

祥  
欽  
付  
縣  
志





樂俊失籍貫建武中爲浚儀令時陽武令張汜上言河決積久宜改修堤防俊上言元光間人庶繁盛而瓠子河決尚二十年不卽壅塞今新被兵革宜須平靜更議其事光武得奏遂止

范邵失籍貫後漢時爲浚儀令善聽斷有兩人挾絹於市各稱爲己物斷斷不已邵令各分一半而去復遣人察之有一喜者一愠者遂以僞抵法

徐栩字敬卿吳由拳人爲小黃令時諸縣大蝗野

祥符縣志

卷十三

循吏  
邑宰

二

無生草遇小黃界飛遊不集刺史行部忌之責栩不治栩棄官去蝗旋至刺史謝栩令還寺舍蝗卽飛去

晉

陸雲字士龍吳郡人大安間爲浚儀令縣居都會之要名爲難理雲到官肅然下不能欺市無二價人有見殺者主名不得雲錄其妻而無所問十許日遺出密令人尾之謂曰其去不出十里當有男子候之與語便縛來旣而果然問之具



服云與此妻違共殺其夫聞妻得出欲與  
近縣故違相要饒於是一邑稱爲神明及土人曰  
百姓圖像配定縣社

縣

馮元淑伯州安陽人中宗時爲浚儀令右善士  
人稱神明與奴僕日一食馬一秣不挈妻子  
俸餘以恤貧乏或以近名譏淑曰吾性也不  
苦帝聞之降勅書勞勸付狀史官

宋

符縣志

卷十三

循吏  
邑宰

三

呂端幽州安次人知開封浚儀二縣臨事果決待  
民以寬百姓以父母歌之

張詠字復之濮州鄆城人太宗時知浚儀縣有  
望著能聲李沆宋混寇準連薦於朝以爲荆湖  
北路轉運使後知陳州歷官尚書

李載字伯熙通利軍黎陽人少苦學炎暑讀書置  
足於水得疾不舍去真宗時呂夷簡薦其材知  
齊州已令祥符有巫以井泉飲人云可去疾  
者旁午載乃杖巫湮其井以治聞



樂黃目字公禮撫州宜黃人咸平間知浚  
古知州縣令引見御前試時務策取其明  
治達於教化者充選則官得其人矣  
爲政簡默處劇而無廢事後推開封  
而愛之有著述數百卷

喬執中字希聖江南高郵人神宗時以司農  
開封縣時諸邑牧地民耕歲久議者將取  
夷邱墓伐桑柘萬家相聚而泣執中請於朝  
復與民民歌頌焉

祥符縣志

卷十三

循吏  
邑宰

四

元

趙璉失籍貫至治中爲祥符縣尹著循聲擢  
江北行省叅政死於張士誠之難

明

原山東鉅野人洪武初知祥符縣先是元季民  
多逋亡原招來優恤復業者衆其有居產爲里  
豪侵者悉取歸之

徐伯顏浙江奉化人知祥符縣政聲丕著太祖一  
日重念民牧未得其人詔吏部集錄爲善受賞



爲惡受刑者列爲條款名曰彰善癉惡錄以勸懲天下伯顏首與爲善之列特荷褒嘉

余崇瞻江西崇仁人洪武末令祥符邑民宋義濬水他所及歸亡其所瘞金訴爲隣人盜取崇瞻推審情狀知爲姪子馬斗保所匿乃給斗保妻拘詰之果吐實盡出瘞金以給義人稱神明

楊添陝西西安人永樂中知祥符才優煩劇政務備舉民有被劫一盜死羣盜曳其屍去厥明被劫者白於縣添令隸蹤跡得屍置關外誘人取

祥符縣志

卷十三

循吏  
邑案

五

瘞有識爲王氏子者遂拘其妻訊之盡得羣盜姓名一時捕獲無遺

祁天叙山西蒲州人嘉靖間知祥符練達明敏事至立決不假刑威民皆畏而愛之暇則譚經澤宮課諸生文藝人材蒸蒸然起比去東書數卷而已

王三聘山西代州人嘉靖間任祥符縣強幹有爲不畏權貴愛百姓如子在邑五年倉庾盈溢盜賊屏息素善射百步矢不虛發嘗自負壯猶願



尚書一面後備兵霸州有能聲

程達四川重慶人嘉靖末令祥符長文章精吏事  
風采凜凜邑居省會諸上官市民間物多倚令  
辨里甲以次承買力不勝支至有挈妻子而逃  
者達請於臺使置簿大書月會以報自是諸上  
官不敢遣廉人至縣吏民以寧歷官總督薊遼  
尚書

朱道南浙江臨安人萬歷初筮仕祥邑老練若夙  
習戴星而起召諸吏次第任事無敢上下其手

祥符縣志

卷十三

循吏  
邑宰

六

扑責不踰十然見者股慄卒於官橐無餘金賴  
賻能發

李天麟山東武定人以萬歷八年綰邑篆居官坦  
易不為操切清丈邑地官民安堵又量歲公私  
之需酌劑為均輸法行之稱便邑故無志詢於  
故老採之往牒以已意折衷自是文獻有考云  
爾五年召拜御史

家恒山東新城人萬歷中知祥符別到悉中窳  
以旁邑民多有訴上官願質成者



科不徵賦禁而百姓捆輸恐後邑無逋賦逾年  
以父之歎奈河以北當引避改曲周邑有生祠  
王興北直博野人萬歷間令汲縣以才任劇移會  
省益務持大體不輕勾攝民有控卽置對日所  
受以百計耳聽口裁手畫紛拏之中不少差謬  
小人皆厭意去新法稅民巨璫布私人壟斷罔  
利民罷市爲偶語與逐慰止因力陳父老疾苦  
及闖私激變狀增爲氣折罷私人悉以稅隸有  
司民乃安後以考績忤杖杖權坐論劾謫汾陽典

史歷官叅政

王復興山東鄆城人初宰陳留未幾改祥符邑瀕  
河多捆柳攀麥無寧歲初通省輸值募商代買  
民不知擾萬歷間則變而獨派於祥邑它邑免  
焉民偏累特甚當斯役者家立破碎復興力請  
於上官仍分屬各縣一時閭里賴以息肩此善  
政之最大者民歌之曰前有王興後有王復興  
王鶴齡山西平陸人萬歷三十六年令祥符釐姪  
剔弊吏治肅清重修邑志詳核稱外史之佳者



張鯉山東平陰人萬歷三十九年令祥符鋤邑豪  
猾民尸祝之

胡霑恩直隸永年人萬歷間知祥邑秉正執法豪  
強斂跡民有博戲者衣犬皮拳其手以徇於市  
民不敢犯

吳柔思江南武進人崇貞初蒞祥符存心寬大遇  
事勇決邑陳橋驛有白蓮邪教倡亂聚眾至千  
人柔思捧部檄單騎入壘滅盜魁二人燒其偽  
署之籍餘黨多獲寬釋後歲饑斥俸錢煮淖糜

祥符縣志

卷十三

循吏  
邑業

八

良賴以活

孫承澤直隸大興人崇貞間由陳留調祥符時  
逋甚嚴承澤催科有法不致困民教民孝弟  
切誠篤刻功過格口講指畫務積誠感人民  
革心在任三載鄉農不賄勾攝悍吏擢拜給  
民卧轍乞留

王燮直隸宛平人崇貞十三年蒞任祥符下車  
值流寇之後繼以凶年菑疔蜂起燮殲滅有  
遠邇安堵越明年闖賊李自成攻泚西城燮



慨登陣以火器攻賊死者甚衆歲暮復攻  
門入我郭燹躬犯矢石率鄉兵及家丁復用火  
器力禦二十晝夜賊多燬乃退燹授御史去踰  
年闖賊大至圍困閱五月城內芻糧不繼守志  
益堅巡撫以狀聞愍帝以燹前官祥符有守城  
功授監軍御史徵兵援汴抵河朔未幾寇掘河  
灌城渰溺殆盡燹蒐船拯渡立廠賑之瘞埋骨  
骸至今頌德不衰

程本立浙江崇德人洪武中官周王府左長史從  
祥符縣志

卷十三

循吏  
邑宰

九

王之國敷陳謨典剴切明當多所開益徵入翰  
林院纂修國史累官至都御史

瞿祐浙江錢塘人永樂初官周王府右長史輔導  
正直有聲於時所著有存齋詩話行於世  
以此謂王府長史一以照舊附入

皇清

胡士梅金州衛籍貢士順治五年知祥符時兵燬  
之後邑猶陸沉村蕪野棘探丸胙篋者遍河南  
北士梅駐邑之東埽頭日進父老商疾苦每爲



雪涕遊土著招流移安反側勸開墾寬催科減刑罰行之三年民始有起色山東榆園之變多俘十三寨婦女士梅出俸錢贖歸之尤喜獎拔寒俊士之遊其門者號登龍門後擢興屯道民以甘棠名社誌遺愛焉復備兵洮岷丁內艱遂家於汴如漢朱邑桐鄉云

孫如林直隸灤州人順治九年令祥符時邑漸墾闢民猶瘠弱如林寬鍤薄之禁壹意休息民頌其德邑庠淪水釋菜無地如林改建縣治西士氣稍振後以小誤鑄級去人甚惜之

祥符縣志

卷十三

循吏

十

聶琰四川成都人康熙三年令祥符銳於修舉廢墜初明季河潰邑廛漂沒長官移駐河北陳橋鎮聽政不便再移城東埽頭集復不便艱於剏始輒仍舊貫琰力圖營築堂舍遂具今署是也又邑庠漸圯琰改建邑治東南規制煥然其持大體如此政務不苛人亦愛之

毛際可浙江淳安人康熙十四年令祥符守潔政慈始終不易際可旣以制藝古文名世拔士



尤者口講指畫不倦文風遂變邑之雋士者其  
多性嗜學雖謁上官對大賓或有會心輒忘應  
對擁鼻雜誦人亦笑而諒焉著作甚富在祥符  
者曰松臯

黃錦字岵雲湖廣蒲圻人康熙二十年令祥符邑  
適採伐柳條輸載江南負重涉遠民甚苦之錦  
擘畫得法事集民安河堤壞修築所費不貲錦  
親從泥沙中督看楫率芻蕘均勞逸時資體不  
數月工竣人不知勞邑附會城多盜錦密計白

祥符縣志

卷十三

循吏  
邑宰

十一

軍門悉搜其窟穴殲焉革陋例培士氣斷疑獄  
美不能僂指後擢本郡南河同知邑民思其德  
勒石以志不忘

胡權直隸任邱人康熙二十六年知祥符秉心寬  
恕專務以善導人不爲鷹擊毛摯之治民有慈  
父之頌先是官廨所需什器服食多取給於市  
吏捧縣符加培克焉權廉知其弊壹切俱給俸  
錢民大感悅性喜培獎士類設義塾厚食錢置  
都養所裁就者甚衆又才識敏給案吏抱牘殊



勒墨批絕不稱停後崇祀

佐丞

明

陳汝相失籍貫隆慶二年官祥邑丞不立崖岸而

軒軒霞舉人亦不敢以卑官忽焉催科先自貴

家始攝令三月邑無遺賦民亦不擾

高悌山西代州人萬歷中為祥符縣丞強幹有風

力雖令之蓬以莊見憚多所裨補百姓謠曰

節不通幸有高公

祥符縣志

卷十三

循吏 屬尉

三

屬尉

宋

范正平字子夷河南許州人純仁之子學行甚高

雖庸言必援孝經論語紹聖中為開封縣尉向

后家造墳欲拓隣以自廣蔡京力主其請正平

執不可會民搥鼓上訴京坐罰金以此銜之誣

以他事下詔獄久始赦歸

郭偃河南祥符人徽宗時權祥符縣尉時童貫子

奉敕葬邑境偃在途役貫命徹民屋當道者偃



先籍童氏屋數十楹欲毀之貫遽令勿毀以是民得免

師儒

明

劉恕失籍貫洪武七年任祥符教諭慷慨有志操力以行誦經督諸士所得俸金輒修葺學舍青瑣之外無長物也人稱爲清節先生

沈麟失籍貫宣德間任祥符教諭學問該博說經課藝能達奧變時文廟水衝圯請於上官取繕

祥符縣志

卷十三

循吏  
師儒

三

鐘樓餘材營繕門廡一時改觀

陳貞失籍貫成化間任祥符教諭博洽工古文詞尤邃性命之學進退必遵矩度多士式焉人比之胡瑗蘇湖云

馮晉江西南昌人嘉靖末任祥符教諭每教士崇尚風節嚴直指行部諸生迎謁者勉欲以惠文法治之晉徐應曰使首藏修士人分道焉明公奈何不獎其恬退而令僕拜車馬塵之爲賢乎直指以爲語使已衙之晉力求辭官直指愧焉



董士範湖廣麻城人隆慶二年任祥符訓導精著  
秋授諸生麟經甚有發明一時登賢書者六人  
張鳳翼萬全都司入萬歷二年任祥符教諭抗爽  
有威儀能以章程約士士遵之不敢違後擢國  
學士

皇清

闕碧霞河南光山人順治十二年任祥符教諭學  
問淹洽課士誠切戊戌會試雋士

祥符縣志

卷十三

循吏  
師

古

祥符縣志卷之十三

共十四頁計四十九傳



